

Diana XOLMURATOVA
Mirzo Ulugbek nomidagi
Milliy universitet, magistranti

LINGUISTIC AND CULTURAL CHARACTERISTICS OF STABLE SIMILES IN UZBEK AND ENGLISH LANGUAGES

Annotation

This article talks about the linguistic and cultural characteristics of stable similes in the Uzbek and English languages, and the interaction between language and culture. The article also gives examples of similes related to dogs in the Uzbek people.

Key words: ethnographers, intellectual activity, structures, subjective and objective, personal culture,

ЛИНГВОКУЛЬТУРНЫЕ ОСОБЕННОСТИ УСТОЙЧИВЫХ СРАВНЕНИЙ В УЗБЕКСКОМ И АНГЛИЙСКОМ ЯЗЫКАХ

Аннотация

В данной статье говорится о лингвокультурных особенностях устойчивых сравнений в узбекском и английском языках, а также о взаимодействии языка и культуры. В статье также приведены примеры сравнений, связанных с собаками, у узбекского народа.

Ключевые слова: этнографы, интеллектуальная деятельность, структуры, субъективная и объективная, культура личности

O'ZBEK VA INGLIZ TILLARIDAGI TURG'UN O'XSHATISHLARNING LINGVOMADANIY XUSUSIYATLARI ANNOTATSIYA

Ushbu maqolada o'zbek va ingliz tillaridagi turg'un o'xshatishlarning lingvomadaniy xususiyatlari, til va madaniyat orasidagi o'zaro munosabat haqida so'z yuritiladi. Maqolada shuningdek, o'zbek xalqida it bilan bog'liq bo'lgan o'xshatishlar misol tariqasida keltiriladi

Kalit so'zları: etnograflar, intellektual faoliyat, strukturalar, sub'ektiv va ob'ektiv, shaxs madaniyati,

Kirish. Til jamiyatda kishilar o'rtasidagi munosabatni ta'minlaydi, ma'lum voqelik haqida axborotlarni yetkazadi. Shuningdek, kishi ruhiga ta'sir etib, estetik zavq beradi va madaniy, milliy, iqtisodiy taraqqiyot, hayotning barcha jabhalari bilan bog'liq holda rivojlanib boradi. Har qanday fan tarixni, jumladan, o'zbek tilshunosligi tarixini tadqiq qilish va o'rganish ham ma'naviyatimizning tarkibini qismeni tashkil qiladi.

Voqelikni idrok etish va uni bilishning milliy-madaniy xususiyatlari muammosi tadqiqotchilarni uzoq vaqtlardan beri qiziqtirib kelmoqda va ushbu muammo haqida bildirilgan fikrlar ham turli-tuman, ba'zan esa tamomanbir-biriga ziddir. Ulardan ayrimlari hatto turli xalqlarning borliqni idrok etishi batamom mos kelmasligini ta'kidlashga harakat qiladilar.

Mavzuga oid adabiyotlar tahlili. «Barcha xalqlar yagona voqelikni turlicha tasavvur va tasvir qilishadi» (Gachev 1967: 78; Qarang: Gachev 1995). G.D.Gachevning bundan qariyb o'ttiz yil oldin aytgan bu fikri tilshunoslар va boshqa fan sohalari vakillari uchun yangilik emas edi. O'z paytida I.Kant hech qanday tajriba o'tkazmasdan turib ham(faktlar toplash shart emas) ong kategoriyalarini ajratish mumkinligi haqida gapirgan edi. Shundan buyon faylasuflar, psixologlar, etnograflar, kognitologlar (A.Ya.Gurevich, L.S.Vigotskiy, A.N.Leontev, A.R.Luriya, V.F.Petrenko va boshqalar) borliqni idrok etish turli bilim strukturalari orqali bajarilishi va ushbu strukturalarda oldingi tajribada to'plangan bilim- axborot tartiblashgan, umumlashgan holda aks topishini qayd etib kelishmoqda. Ammo u holda oldingi tajriba qay shaklda qoliplashadi yoki tizimlashadi degan savol tug'ilishi tabiiydir.

Shubhasiz, tajriba dastlabki o'rinda insonning bevosita ko'z o'ngida, o'zi yashab turgan muhitda yuz berayotgan voqealar, uning atrofidagi predmetlarni bevosita kuzatuvi, ulardan foydalanishi jarayonida to'planadi. Inson faoliyati ma'lum milliy madaniyat, muhit doirasida kechadi. Shu sababli har qanday turdag'i bilish jarayoniga oid strukturalar, tuzilmalarda milliy kolorit mayjud bo'lishi ham tabiiydir. So'zsiz, insonning inson sifatida shakllanishining o'zi ham madaniyat bilan bog'liqidir. Uning nafaqat intellektual faoliyati, balki oddiy hayotiy xatti-harakatlarning barchasi ham milliy madaniyat ko'zgusida aks topadi va ushbu madaniyat qonun-qoidalari «nazorati»da bo'ladi.

Har qanday madaniyat atrof-muhit ta'sirida taraqqiy qilib, o'zgarib boradi. Turli millatlar madaniyati bir-biridan dastlabki o'rinda voqelikni moddiy va ma'naviy o'zlashtirishdagi farqi jihatidan ajralib turadi. Bunday farqning asosida o'zlashtirilayotgan obyekti yoki bu faoliyat mahsuli emas, balki ushbu moddiy-ma'naviy o'zlashtirish jarayoni qanday yoki qay uslubda kechayotganligi yotadi. Shu sababli madaniyatni moddiy va ma'naviy, sub'ektiv va ob'ektiv, ichki va tashqi, shaxs madaniyati va milliy madaniyat kabi turlarga ajratishadi.

Madaniyat hech qachon qotib qolgan hodisa sifatida talqin etilmasligi lozim, u taraqqiy qilib boradi, bir holatdan ikkinchisiga o'tadi, boshqa madaniyatlardan qorishib boradi. Yana shuni unutmaslik lozimki, hech bir inson oldindan madaniyatlari bo'lib tug'ilmaydi, bunga u ijtimoiy faoliyat natijasida, muloqot(keng ma'noda) jarayonida erishadi. Axir bekorga antropologlar (K.Levi-Stross, K.Girs va boshqalar) madaniyatni insonlar o'zaro munosabatlarining mahsuli sifatida ta'riflashmasa kerak.

Tadqiqot metodologiyasi. Madaniyat shakllanishida insonlar o'rtasidagi muloqotdan tashqari, voqelikdagi ob'ektlar bilan bo'lgan muloqotning roli ham muhimdir. Ma'lumki, inson va voqelik munosabatida lison o'ziga xos bog'lovchi, vositachilik rolini o'yaydi. Lison o'zida voqelikni aks ettiradi, madaniyat esa ushbu voqelikning ajralmas qismidir. Voqelikning o'zini ham milliy deb atash mumkin va bu milliylik lisonduyoni o'ziga xos «ko'rish», uni idrok etish natijasida o'z aksini topadi. Lison va madaniyat munosabati masalasi murakkab, juda qiyin hamda ko'p tomonlama muhokamani talab qiladigan masaladir.

Ular tadqiqiga juda ehtiyyotkorlik bilan yondashish zarur bo'ladi, aks holda bu ikki turdag'i semantik tizimni yagona bir qolipga tushirish xavfi ham yo'q emas. Shuning bilan birgalikda bu ikki tizimning o'zaro o'xshash, umumiylilik tomonlari ham mavjudligini unutmaslik lozim. V.N.Teliya bunday umumiylikni quyidagilarda ko'radi:

- 1) madaniyat, xuddi lison kabi, inson dunyoqarashini aks ettiruvchi ong shaklidir;
- 2) til va madaniyat o'zaro munosabatda, muloqotda bo'ladi;

3) til va madaniyatning sub'ekti – bu doimo individ yoki ijtimoiy guruh – jamoa shaxs yoki jamiyat;

4) me'yoriylik(norma) til va madaniyat uchun umumi yususiyatdir;

5) tarixiylik – til va madaniyatning muhim yususiyatdir;

6) til va madaniyatga «dinamika- statika» qarama-qarshiligi bir xilda xosdir(Teliya1996: 225-226) [1].

“Olamning lisoniy manzarasi”ni har millat turlicha idrok etidi chunki ularning ongi, tafakkur tarzi, yashash tarzi, hattoki, ko'rish tarzi, iqlimi va atrof muhiti turlicha . Tadqiqotchilar tomonidan insonlarning yashayotgan iqlimiga qarab miya faoliyati ham turlicha bo'lishi tasdiqlangan. Shuning uchun ham insonlarning borliqdagi predmetlarning anglanishi va idrok etishi o'sha predmetning turli tomoni yoki xususiyati bilan bog'liq. Albatta, bu idrok tarzi odamlarning kundalik va yillik tajibalari asosida yuzaga keladi. Maslan, o'zbek xalqida it bilan bog'liq quyidagi idrok tarzining mahsuli bo'lgan o'xshatishlar mavjud: *itday vafodor,*

qo'ygan, mushukchday nimjon. O'zbek tilida esa: *mushukday sapchimoq, mushukday sharpasiz yurmoq, itday sang'immoq, itday xor bo'lmoq* va boshqalar.

Ingliz millatining tafakkur tarzida **itning** quyidagi xususiyatlari e'tiborga olingan:

Itday vafodor, itday kasal, itning orqa oyog'iday egri, tozi itning tishiday toza va boshqalar. Yoki **mushuk** etalonini ostida quyidagi ma'nolar e'tiborga olingan.

Ingliz millatida: *mushukday asabiy, sartaroshning mushugiday o'ziga bino mushukday suykalmuq, mushukday hurpaymoq, suvga tushgan mushukday, o'g'ri mushukday,* va hokazo.

Rus tilshunosi V.V. Malkova rus tilidagi turg'un o'xshatishlarni tahlil qilish asosida eng ko'p qo'llaniladigan sxema: inson tavsiyi + o'xshatish ko'rsatkichi+ot etalonini ularda shavqat – shavqatsiz, jasur-qo'rkoq, mehnatsevar-dangasa kabi belgilarning oppozision juftliklari ko'proq aks etishini ta'kidlaydi [2].

Turg'un o'xshatishlarning asosida xilma-xil oppozitiv belgilar bo'lishi mumkin. O'zbek tilida quyidagi misollilar shuni ko'rsatadi

Semiz – ozg'in (arvohday ozg'in, chillakday ozg'in - cho'chqaday semiz, so'qimday semiz, gumbazday semiz)

Go'zal, chirolyi - xunuk, beo'xshov (malikaday go'zal, oyday chirolyi, suqsurday chirolyi, - kaltakesakday xunuk, ilonday sovuq); **aqli - aqlsiz** (Allomaday aqli- eshakday aqlsiz); kichik(kina)-katta (chumchuqday kichkina, chigitday juda kichkina, chivinday kichkina – tog'day katta); **qattiq – yumshoq** (toshday qattiq, halimday yumshoq); **yuvosh, beozor – o'jar** (qo'yday yuvosh, musichaday beozor - eshakday o'jar); **oqarmoq – qizarmoq** (dokaday, qorday oqarmoq-insonning rangiga nisbatan, bo'zday oqarmoq – xo'rozning tojiday qizarmoq qizg'aldoqday qizarmoq olmaday, anorday qizarmoq, mosh yutgan xo'rozday qizarmoq) **mehribon - shafqatsiz** (onaday mehribon – och bo'riday shavqatsiz) va boshqalar.

Tahlil va natijalar. Turli tillardagi, xususan, noqarindosh tillardagi turg'un o'xshatishlar qiyoslanganda bu tillarning egalari bo'lgan xalqning milliy mentalitetiga xos jihatlar aniq ko'rindi. Masalan: o'zbek tilidagi *qo'yday yuvosh, bedanaday sayramoq, musichaday beozor,* kabi turg'un o'xshatishlar o'zbek xalqi ong tarzi, tafakkur uslubini aks ettirsa, *as warm as a toast* (tosterday issiq), *as poor as church mouse* (cherkov sichqoniday kambag'al), *as fit as a fiddle* (skripkaday sozlamoq) *as cold as cucumber* (bodringday sovuqqon), *as drunk as a lord* (lodday mast), *as dead as a dodo* (dodo (hozirda qirilib, yo'q bo'lib ketgan qush turi) day yo'qolgan/qirilgan) kabi ingliz tilidagi turg'un o'xshatishlar ingliz millatiga mansub obrazli tafakkur tarzini ifodalab beradi. Ko'rinish turganidek, har ikki millat o'rtasidagi tafakkur tarzi, idrok qilish usuli anchayin o'ziga xoslik va farqlarga ega.

O'zbek va ingliz tilidagi o'xshatishlarni tahlil qilish asosida ularni quyidagi guruhlarga bo'lish mumkin:

1. Ingliz va o'zbek tillarida ayanan muqobili yoki ma'nodoshi mavjud bo'lgan turg'un o'xshatishlar. Bunday turdag'i turg'un o'xshatishlar har ikkala til vakillari uchun ayanan bir ma'noni ifodalaydi faqat etalonining boshqa- boshqa predmetligiga ko'ra ikki farqlanadi:

a) O'xshatishlarning etalonini ingliz tilida bir narsa o'zbek tilida esa boshqa narsa. Masalan:

O'zbek tilida	Ingliz tilida
Tulkiday ayyor	As cunning as a fox
Bo'riday och	As hungry as a wolf
Qorday oppoq	As white as snow
Suvday serob	As weal as water
Kundai ravshan	As clear as day
Cho'pday ozg'in	As thin as a stick

b) O'xshatishlar ekvivalenti bilan turg'unlashgan bo'ladi. Ushbu guruhga mansub turg'un o'xshatishlarning ma'nolari har ikkala tilda ham mavjud, lekin ularning etalonlarida o'zgarish va farqlar mavjud.

O'zbek tilida	Ingliz tilida
G'ozday mag'rur	As proud as a peacock (tovosday mag'rur)
Tog'larday qadimiy	as old as the hills (qoyalarday qadimiy)
Toshday qattiq	as hard as a nails (mixday qattiq)
xumodayday baxtli	As happy as a lark- to'rg'ayday baxtli

2. Ingliz tilidagi turg'un, o'zbek tilida erkin xarakterdagi o'xshatishlar yoki o'xshatish tarzida mavjud bo'lmagan o'xshatishlar. Bunday o'xshatishlari o'sha millatning obrazli tasavvuri va mental o'ziga xosligidan kelib chiqib, shu tilgigaga xos bo'ladi. Masalan:

As pretty as picture – suratday chirolyi

As poor as a church mouse- cherkov sichqoniday kambag'al

As cold as marble – marmarday sovuq

As drunk as a lord – lordday mast

As sober as a judge – hakamday hushyor

As hard as nails – tirnoqlarday qattiq

As cold as cucumber – bodiringday sovuq

As busy as a beaver – qunduzday band

As awkward as a cow on roller skates - sigir konkida ucholmaganday beso'naqay As clean as hound's tooth- tozi itning tishiday toza

As easy as duck soup – o'rdak sho'rvaday oson

As conceited as a barber's cat – sartaroshning mushugiday kekkaygan

Yuqoridagi suratday, cherkov sichqoniday, marmarday, lordday, hakamday, tirnoqlarday, bodringday, qunduzday, sigir konkida ucholmaganiday, tozi itning tishiday, o'rdak sho'rvaday, sartaroshning mushugiday kabi etalonlar bilan turg'unlashgan o'xshatishlar faqat ingliz millati tafakkur tarzida obrazlashib, xalq tilidan lekuqikasidan o'rinni olgan. O'zbek tilidagi obrazli tafakkur mahsullari qatorida bunday o'xshatishlar uchramaydi.

3.O'zbek tilida turg'un, ingliz tilida erkin xarakterdagи o'xshatishlar yoki ingliz tilida o'xshatish tarzida mavjud bo'lmagan o'xshatishlar. Masalan:

mumday sarg'aymoq,
zulukday qop-qora,
qoshiqday kichina,
bir tomchi suvday o'xhash,
surpaday keng.

Ko'rinish turganidek, har ikkala til egalari tomonidan qo'llaniladigan turg'un o'xshatishlar o'sha til egalarining milliy o'zligini ko'rsatadi va bir millat uchun e'tiborga olingan jihat ikkinchi millat uchun begona yoki boshqa jihatni e'tiborga olingan tarzda, yoki har ikkala til uchun ham umumiyligi va xususiy ko'rinishda qo'llanishi mumkin. Bundan tashqari turg'un o'xshatishlar etalonidagi so'zlarning ishtirokiga ko'ra ham 2 guruhga ajratishimiz mumkin:

1. **Etaloni bir so'zdan tashkil topgan turg'un o'xshatishlar:** bunday o'xshatishlar etalonining semasi keng, asosi tor: qunduzday band, ohuday chaqqon.

2. **Etaloni ikki va undan ortiq so'zdan tashkil topgan turg'un o'xshatishlar:** bunday o'shatishlarning etalonini shaklan katta bo'lsa ham, mazmuniy jihatdan chegaralanish mavjud, chunki etalonga olinayotgan narsa, buyum, shaxsning ma'lum qismigina o'xshatiladi: **otning kallasiday** katta, ignaning uchiday kichkina, *as crooked as a dog's hind leg* – itning orqa oyog'iday egri, *as scarce as hen's teeth* - tovuqning tishiday noyob.

Etaloni ikki va undan ortiq so'zlardan iborat turg'un o'xshatishlarning yana bir turi borki, unda etalon sifatida olinayotgan narsa, buyum shaxs o'zining aniqlovchisi (aniqlanmishi) bilan birga keladi: *as conceited as a barber's cat*-sartaroshning mushugiday kekaygan, *as mad as a wet hen* – ho'l tovuqday jahli chiqgan, *as cocky as the king of spades* – (Karta o'yini haqida)qirolning qarg'asiday mag'rur (karol), as nutty as a fruitcake – mevali torday qiziqarli .

Xulosa va takliflar. Xulosa qilib aytganda, tildagi millat ongida obrazlashgan birliklar o'sha millatning milliy idrokini ko'rsatib, nutq jozibadorlik va estetik zavq bera oladigan, tillarning leksik -frazеologik xazinasini boyitadigan bebaho manbadir.

ADABIYOTLAR

1. Safarov Sh. Kognitiv tilshunoslik. Jizzax, Sangzor 2006,62-63-bet.
2. Malikova B.B. Устойчивые выражения при описании человека. Культура речи. 2014. №5. 58 - бет
3. Hornby A.S. Oxford Advanced Learner's Dictionary of Current English / A.S.Hornby; ed. by S.Weinmeier. – 6th ed. – Oxford: Oxford University Press, 2000. – 1539 p.
4. Longman Idioms Dictionary: over 6000 Idioms / ed. K.Stern.– Addison Wesley Longman Ltd, 2000. – 398 p.
5. Nurmonov A. Ovrupoda umumiyligi va qiyosiy tilshunoslikning maydonga kelishi.